

Proclamatie 2015

Jeugdprins Tristan I en jeugdprinses Iris I

Ich jeugdprins Tristan de 1^{ste} bin 12 joar, zit nog un paar moand op basissjoal Dionysius bie Andrea en Dana, bugelist bie de fanfaar en bie ut koortje van de sjoal. Noadat ich veurig joar de eerste jeugdprins woar van Adveo/Sjènne combinatie, bin ich hiël blie dat ich noe ein sjtepkke hoager moag regere euver ut jeugdriek van Sjènne...

..en ich, jeugdprinses Iris 1^{ste}, neuge joar, zit in groep zeve bie jufrouw Manon, auwt jeugdprinses van Genèk, bugeliste bie jeugdfanfaar Musjiek, zit in het koortje van de sjoal en tennis bie LTC Rakkets,

make bie deze bekènd:

Artikel ein:

Dat veer prins Jeaneau, prinses Anky en hunne narreman Jorn wille bedanke veur dea top karnaval veurig joar in deze narretempel.

Artikel twee:

Dat veer os ouwers bedanke dat veer os hubbe moge opgeave en dat auwt burgemeister Beckers ozze naam oet dea hood heat getoverd.

Artikel drie:

Dat veer hiel blie zeen dat ozze narreman Joury direct enthousiast reageerde dat hea mit os deze carnaval de kar geit trekke. De D1 van Sjènne hoof neet bang te zin want same zurge veer d'r veur dat hea nóg meer conditie krieg kommende weake.

Artikel veer:

Dat veer os groate breurs Yorick, Brian en Cas wille vroage of ze same mit os d'r unne super carnaval van wille make en dat ze zich neet te auwt zulle veule om hie in de Noeber Beemden mit os te hosse en te sjpringe.

Artikel vijf:

Dat veer hiël veul zin hubbe om same mit de groate prins.... ziene narreman.....en wieze road d'r ein sjoan fiës van te make.

Artikel zes:

Dat veer jeugdfanfaar Musjiek, die auch noe weer dees zitting geweldig hubbe opgeloesterd, noe toch ech dringend wille vroage om in de kinjer optoch mit te goan. Aangezeen dat ze weer hofkapel zint van de jeugdprins en jeugdprinses.

Artikel zeve:

Dat ozze bugelleraar, Willy Huppertz, ein bietje geduld mit os mot hubbe kommende weake, aangezeen dat veer neet veul aan oefene toe goan komme. Noa de carnaval make veer dit missjien mit ein duetje weer good.

Artikel ach:

Dat veer ut joamer vinge dat meister Julius neet meer bie os op sjoal is en dat jufrouw Manon ut gooje gebroek van meister Julius zeker mot euvernumme: Sjnoep oetdeile. Veer zulle in de optoch waal effe veurdoan wie dat mot.

Artikel neuge:

Veer haupe dat veer de sjènnese kinger lekker kinne maake om same mit os in de narretempel de jeugdcarnaval te viere en vroage dan auch om uch aan te melde bie de jeugdroad.

Artikel teen:

Dat veer edereen wille optrommele om mit os polonaises te komme loape veer daag lang hie in deze narretempel. Want zik toch eerlijk, der is niks sjoanders dan same lol en plezeer hubbe.

Artikel elf:

Noe genug gemoeld, veer goan beginne
Want sjpringe en hosse is wat veer goot kinne
Veer goan zo van de bühne aaf
Maar noe eers unne driekreftige ALAAF!

ALAAF!!

ALAAF!!

ALAAF!!